

**თელავის მუნიციპალიტეტის გენდერული თანასწორობის
საბჭოს სხდომის**

ოქმი № 1

ქ.თელავი

24.02.2021

თავმჯდომარეობდა : ა. თხლაშიძე

სხდომას ესწრებოდნენ საბჭოს წევრები: ნელი აბეჩხრიშვილი, მედეა ჩაფურიშვილი, მაია მარკოზაშვილი, ელენე ღარიბაშვილი, მალხაზ ყურბანოვი, ზურა აბუაშვილი, ფიქრია ყუშიტაშვილი და ლევან კოჭლოშვილი.

დღის წესრიგი:

1. თელავის მუნიციპალიტეტის გენდერული თანასწორობის საბჭოს 2020 წლის სამოქმედო გეგმის შესრულების შესახებ.
2. თელავის მუნიციპალიტეტის 2021-2024 წლების საშუალოვადიანი გენდერული თანასწორობის სტრატეგიის განხილვის შესახებ.

მოისმინეს: თელავის მუნიციპალიტეტის გენდერული თანასწორობის საბჭოს 2020 წლის სამოქმედო გეგმის შესრულების შესახებ.

აზრი გამოთქვეს: ა. თხლაშიძემ სხდომა შესავალი სიტყვით გახსნა და საბჭოს წევრებს გააცნო სხდომის დღის წესრიგი.

სხდომის თავმჯდომარემ სიტყვა გადასცა, გენდერული თანასწორობის საბჭოს მდივანს ნ. აბეჩხრიშვილს, რომელმაც დაიწყო საბჭოს 2020 წლის სამოქმედო გეგმის შესრულების წარდგენა. მან აღნიშნა, რომ გენდერული თანასწორობის საბჭომ აქტიურად განახორციელა ღონისძიებები, როგორც საჯარო მოხელეების ისე მუნიციპალიტეტის მოსახლეობის გენდერული თანასწორობის საკითხებზე ცნობიერების ამაღლების კუთხით. ამასთან, ისაუბრა არასამთავრობო ორგანიზაციებთან, საბჭოს აქტიურ თანამშრომლობის შესახებ. ნ. აბეჩხრიშვილმა ხაზი გაუსვა, საბჭოს მიერ მომზადებული საბიუჯეტო პროექტისა და მუნიციპალიტეტის მერიასთან წარდგენილი რეკომენდაციების შესახებ.

მ. ჩაფურიშვილმა ისაუბრა, ქალთა ეკონომიკური გაძლიერების კუთხით გენდერული თანასწორობის საბჭოს ორგანიზებით 2020 წელს ჩატარებული სატრენინგო კურსის „დაიწყე და განავითარე შენი

ბიზნესი“ შესახებ და აღნიშნა, რომ მსგავსი ტიპის ტრენინგები მნიშვნელოვანია მეწარმე/მეწარმეობის მსურველ ქალთა განვითარებისათვის.

გადაწყვიტეს: ჩაითვალოს შესრულებულად თელავის მუნიციპალიტეტის გენდერული თანასწორობის საბჭოს 2020 წლის სამოქმედო გეგმა.

მოისმინეს: თელავის მუნიციპალიტეტის 2021-2024 წლების საშუალოვადიანი გენდერული თანასწორობის სტრატეგიის პროექტის შესახებ.

აზრი გამოთქვეს: ნ.აბეზერიშვილმა გააცნო საბჭოს წევრებს თელავის მუნიციპალიტეტის 2021-2024 წლების საშუალოვადიანი გენდერული თანასწორობის სტრატეგიის პროექტი. წარმოადგინა, საბჭოს თითოეული წევრის მიერ შემუშავებული მოსაზრებები სტრატეგიის დოკუმენტში შესატანი ცვლილებების შესახებ.

ე.ღარიბაშვილმა გააცნო, საბჭოს წევრებს დოკუმენტის შემუშავების პროცესში გათვალისწინებული კვლევები შედეგები.

მ.ჩაფურიშვილმა დადებითად შეაფასა მუნიციპალიტეტის 2021-2024 წლების საშუალოვადიანი გენდერული თანასწორობის სტრატეგიის დოკუმენტი, და ისაუბრა თვითმმართველობის განხორციელების პროცესში გენდერული ნიშნით დისკრიმინაციის აღმოფხვრის და ქალისა და კაცის თანაბარი მონაწილეობის აუცილებლობის შესახებ.

საბჭოს თავმჯდომარემ ა. თხლაშიძემ კენჭისყრაზე დააყენა თელავის მუნიციპალიტეტის 2021-2024 წლების გენდერული თანასწორობის სტრატეგიის დასამტკიცებლად თელავის მუნიციპალიტეტის საკრებულოს 26 თებერვლის მორიგ სხდომაზე წარდგენის საკითხი.

გადაწყვიტეს: წარედგინოს თელავის მუნიციპალიტეტის საკრებულოს მორიგ სხდომაზე, თელავის მუნიციპალიტეტის 2021-2024 წლების საშუალოვადიანი გენდერული თანასწორობის სტრატეგია.

საბჭოს წევრმა ლ. კოჭლოშვილმა განაცხადა, საბჭოს დატოვების შესახებ, გადატვირთული გრაფიკისა და ოჯახური პირობების გამო.

თავმჯდომარე

არჩილი თხლაშიძე